

Voader, Mudder, Broder, Schwester,
Wäsch' unn Vedder leet s' in Stich,
Har tohoop uns doahn de Paster,
Unn verleet mi nimmer nich.

Künn' öhr Ener Allen's beeden,
Dät se loaten soll von mi,
Dennoch wörr' in Glück unn Unnglück
Se mi stännig blieuwen trü.

Unn se wörr' ook gliek mi folgen,
Güng' ick sülwsten uter Lann's,
Groad' as süssen, wenn wi ging'en
Arm in Arm to'm Sönndoagsdanz.

Dät se öber mine Bidden
Von det Schriewen nich beacht't,
Det begriep' ick nich, wo oft ook
Ick all dröber noa gedacht.